

唐書合鈔補正

唐書合鈔補正卷五

列傳七十一

郭子儀傳

子儀雖失兵柄乃思王室 思冊府元龜作心

德薄位尊難逃天子之責 案子當作下

一昨瀝誠上懇 一冊府元龜作臣

宣示於外編之史冊 於冊府元龜作中

上以調三光下以蒙五岳 蒙冊府元龜作象

安社稷必有於絳侯 有冊府元龜作在

膏肓生疾藥石靡攻 攻冊府元龜作功

悼之流涕 之冊府元龜作心

列傳七十二

僕固懷恩傳

迴紇使葉護帝得數千騎來赴國難 帝影宋本作帶  
又從李光弼守河陽破周父 父冊府元龜作摯案李  
光弼傳亦作摯

母曰我戒汝勿反國家訓汝不淺 案訓疑當作訓  
列傳七十三

曲環傳

賜以名馬 冊府元龜賜以名馬錦綵

楊朝晟傳

且因監軍楊明義邀奏出奔將范希朝爲節度 因冊  
府元龜作圍出上有以字

列傳七十四

劉晏傳

浮於江泗 會要作淮泗

命之日引海陵之倉以食輦洛 會要命上有受字

河汴有初不修則毀澱 會要作汴流渾渾不修則澱

發近縣丁男塞長茭決沮淤 塞會要作塞

惟小子畢其慮奔走之 會要慮上有思字

班宏傳

參遂爲上所疎乃讓度支使 遂冊府元龜作知

故參得罪宏頗有力焉 沈氏得罪下注疑有闕文案

冊府元龜同意蓋爲徐粲報復也

李巽傳

然性强狠狡惡忌刻頗甚乘德宗之怒謀殺竇參物論  
冤之下文又云言參與藩鎮交通德宗怒遂賜參死  
議者冤之 案議者冤之四字與物論冤之句複疑  
衍

列傳七十五

薛平傳

在鎮六周歲兵甲完利井賦均一 冊府元龜均一下  
有云又牙將馬廷峯謀逆平覺其謀而誅之此亦當  
書者也

侯希逸傳

希逸拔其軍二萬餘人且行且戰遂達於青州會田神  
功能元皓於兗州青州遂陷於希逸詔就加希逸爲  
平盧淄青節度使 案以青州陷於希逸者繆希逸  
守平盧率勵將士累破賊徒旣無救援又爲奚虜所  
迫乃拔其軍以投青州通鑑寶應元年建寅月平盧

節度使侯希逸於青州北度河會田神功能元皓於  
兗州建卯月戊辰淮西節度使王仲昇與史朝義將  
謝欽讓戰於申州城下爲賊所虜淮西震駭會侯希  
逸田神功能元皓攻汴州朝義召欽讓兵救之然則  
究之會謀攻賊非謀據青州可知也朝廷以希逸攻  
守之功詔爲青州節度仍帶平盧名所以寵異之也  
謂之陷可乎又案冊府元龜且行且戰遂達於青州  
平盧始陷於賊詔以希逸爲平盧淄青節度使爲得  
其實

李正己傳

正已擒其領而批其背 背冊府元龜作頰

列傳七十六

張鎰傳

太僕卿趙縱爲奴當干發其陰事 冊府元龜作太僕

卿趙縱故尙父郭子儀子壻案下文將帥之功莫大  
於子儀云云則縱爲子儀壻當先提出

况在章程本宜看免 冊府元龜作况有科程本宜宥  
免

蕭復傳

宰相王縉聞其林泉之美心欲之乃使弟紘誘焉 紘



冊府元龜作統

帝曰朕業行留一日以驗爾言 冊府元龜作朕行計  
已決試爲卿駐駕一日案旣云業行則駕已前發矣  
又云留一日豈駐於半途乎新書意在求簡而詞意  
每有不達處率類此

柳渾傳

列官分職復更撓之非禮法也千里辭家以干微祿邑  
主辭辨豈慮無能 冊府元龜作列官分職宜委省  
司紛更撓之非賢者心也士或千里辭家以干微祿  
小邑主辨豈曰無能案多數字便爾委折詳明文固

不貴徒簡也

故其年注擬無退量者 冊府元龜注擬上有吏曹二字

五帝無誥誓之盟皆在末季今盛明之代豈又行於夷狄人面獸心難於結信 影宋本五帝無誥誓三王無詛盟詛盟之興皆在季末今盛明之代豈可以季末之事行於夷狄夫夷狄人面獸心難於結信

列傳七十七

李揆傳

殊未知藝不至者文史之圃亦不能摘辭深昧求賢之

意也 冊府元龜作居文史之囿亦不能摘其辭  
由是數月之間美聲上聞 月冊府元龜作日  
陳少遊傳

南方炎瘴深愴違辭 冊府元龜深愴遠癖

列傳七十八

源休傳

休曰突董等自與張光晟忿鬪而死非天子也 冊府  
元龜非天子命也

張陟傳

影宋本附喬琳傳後

彭偃傳

僧之廢滅其亦數乎 平會要作四

列傳七十九

段秀實傳

陰說大將劉海賓何明禮姚令言判官岐靈岳同謀殺  
泚以兵迎乘輿二人者皆秀實夙所獎遇遂皆許諾  
案二人譌當作三人謂劉海賓何明禮及岐靈岳  
也

秀實海賓等曰 影宋本秀實謂海賓等曰

贈太尉秀實授平貞烈 冊府元龜天授貞烈

顏真卿傳

其言不虛者則正人也 冊府元龜虛下有誣字

天下之事方鉗口結舌 事當作士

李勉聞之以爲失一元老貽朝廷羞 冊府元龜作宣

武軍節度李勉聞之

列傳八十

韓皋傳

嘗觀彈琴至止息歎曰妙哉嵇生之爲是曲也其當晉  
魏之際乎王陵都督揚州謀立荆王彪母亡儉文欽  
諸葛誕前後相繼爲揚州都督咸有匡復魏室之謀

皆爲懿父子所殺叔夜以揚州故廣陵之地彼四人者皆魏室文武大臣咸敗散於廣陵始也止息者晉雖暴興終止息於此也 案輿地廣記云唐韓皋號知音嘗論廣陵散此說非也凌等爲都督時揚州治壽春至隋始以廣陵爲揚州凌等起事與廣陵殊不相涉錢氏考異謂皋旣不考而爲此言新舊二史不當采入本傳其論蓋元本於歐陽氏也又案王陵當作王凌

列傳八十一

王璵傳

并置灑掃宮戶一百戶 冊府元龜作一百人

璵曾孫搏別傳 沈氏案搏兩書皆無傳案搏舊書無

傳新書附絀傳沈氏已補入矣而此云兩書皆無傳者譌

李泌傳

泌頗有讜直之風而談神仙詭道 冊府元龜談上有好字

顧況傳

自謂已知秉樞要當得達官 案已知疑當作知己

崔造傳

其淮南濠壽米洪潭屯米委淮南節度使杜亞運送  
冊府元龜其淮南及濠壽等道先支米洪潭屯米并  
委淮南節度杜亞句當

列傳八十二

李皋傳

令將鋒而先皋率軍繼之 鋒上疑脫前字

列傳八十三

李澄傳

澄密令親信人盧翰 冊府元龜作盧融

希烈苦攻寧陵邀澄率其衆至石柱 冊府元龜作邀



澄赴援澄率其衆至石柱

希烈遣其將翟暉等 冊府元龜作翟崇暉

加檢校兵部尙書 冊府元龜加下有澄字

列傳八十四

李晟傳

乃傾家財以賞降者以懷來之 冊府元龜賞上無以  
字

李愬傳

盡殺守門卒而登其門留擊柝者 冊府元龜登作發  
留擊柝者下有以安之三字

列傳八十五

馬燧傳

又敗靈曜將張清於西梁固 固冊府元龜作園

田悅悉軍復戰燧以銳兵振其衝口 振冊府元龜作

扼

悅收敗卒千餘人走魏州至門州將李長春閉門不納

冊府元龜作夜至魏州城州將李長春閉門不納

案下云比明乃納悅則宜作夜至且至門二字不成

句

魏州先引御河入南流 冊府元龜入下有城字

且素輕孝忠恥名在下 冊府元龜作恥居其下

列傳八十六

裴延齡傳

又誣奏李充爲百姓妄請積年和市物賈 冊府元龜  
李充上有京兆尹三字

乃掩捕李充腹心吏張忠捶掠楚痛令爲之辭云前後  
隱沒官錢五十餘萬貫 冊府元龜前後上有充字  
列傳八十七

竇參傳

有右龍武將軍李建玉 建冊府元龜作廷

盧邁傳

將作監元巨當攝太尉享昭德皇后廟 冊府元龜享

上有薦字

既視濯而父母死猶奉祭 奉祭下本有也字

列傳八十八

劉太真傳

卿等重陽會宴朕想歡洽欣慰良多 冊府元龜想上

有遙字

張濛殷亮等 冊府元龜殷亮作劉滋

李紆傳

至上元年敕 冊府元龜作至上元元年敕

呂渭傳

涵再任少卿此時都不言今爲少傅疑以散漫 冊府元龜作今爲少傅渭妄有奏議

李益傳

長爲歌詩 爲疑當作於

列傳八十九

趙憬傳

謗納易窮處數難辨 處冊府元龜作遽

朝廷或將任多擬要官則人少闕多 冊府元龜任下

有使字

令知褒貶之必應遲速之有常 應冊府元龜作行  
如課績在中年考及限與之平轉 冊府元龜中下有  
等字

賈耽傳

睿宗含先天之量 先天冊府元龜作光大

敦信明義履信包元 履信冊府元龜作履德

去興元元年 去冊府元龜作自

隴西十地 十冊府元龜作北

今古殊文執習簡易 習冊府元龜作翫

列傳九十

陸贄傳

無猛制人而不攜無厚賞士而不怨 冊府元龜作無  
猛制而人不攜無厚賞而士不怨

豈不以勇夫常性嗜貨務功 務冊府元龜作矜  
此理之常故不足怪 案故當作固

不選朝官一例俱賜 冊府元龜朝官下有內官二字  
重戰傷殘之卒 冊府元龜作重傷殘廢之卒

列傳九十一

韋皋傳

皇天后土當兆斯言 兆冊府元龜作鑒

張建封傳

守霍丘秋柵 冊府元龜無秋字

華州刺史盧微 微當作徵

列傳九十二

田承嗣傳

旋又更拜磁州重爲威虐 拜本作取

張孝忠傳

孝忠修峻溝壘 冊府元龜作修浚濠壘

列傳九十五



張敬則傳

敬則無所表見文不滿七十字其得列於正目者豈以其名素著行事失傳耶案冊元龜有云始事劉元佐將兵數千拒李希烈是時賊甚猖感勵士卒堅守城邑賊不能下又發銳卒至隴西屬風雨暴至無功而還方更圖進取德宗慮其才力不足密詔止之數語較爲詳明

列傳九十六

李忠臣傳

俾忠臣與賊將李歸仁李咸義等戰於永寧沙柵 沈

氏李咸義下注新書作李感上文有李咸疑是一人或上文闕義字此衍義字之譌案忠臣赴難之役敗賊將李歸仁李咸白秀芝等兩書無所異同永寧之戰舊書作與李歸仁李咸義等新書作李感義乃爲異耳感義與咸是一是二要未可知沈氏謂新書作李感者譌

列傳九十八

杜佑傳

愚管窺測

冊府元龜測上有蠡字

輒試荒虛

虛冊府元龜作唐

杜牧傳

焦焦然七十餘年運遭孝武 文苑英華運遭句上有  
嗚呼二字新書節去語氣都失孝武作章武注云集  
作孝則新書本作章也

自助虜爲虜 文苑英華下虜字作虐

列傳九十九

裴洎傳

詔將下之夕感出涕 冊府元龜感下有恩字

李吉甫傳

古者右史記言今起居舍人是左史記事今起居郎是

會要左史記言今起居郎是右史記動今起居舍人是

今時政記是也上曰間或不修何也 會要作上曰或修或不修何也

權德輿傳

何不以新收剩利徵其本末爲分析條奏 爲冊府元龜作令

列傳一百

于休烈傳

與會稽賀朝萬齊融延陵包融爲文辭之友 案齊融

姓萬此脫一萬字詳文苑賀知章傳

宮商不備 冊府元龜備作倫

然後令別鑄造磨刻 刻樂志作剡

令狐峒傳

其奉君親皆從微薄 奉冊府元龜作葬

免朕獲不子之名皆卿之力也 冊府元龜不子之名

下有不遺君親於患者句

歸崇敬傳

又議祭五人帝不稱臣 冊府元龜不下有合字

請改司業一爲左師一爲右師位正四品 冊府元龜

位正四品上

國子不率教者則申禮部移爲太學 冊府元龜學下

有生字

柳冕傳

初詔以皇太子亞獻終獻當受誓戒否 冊府元龜既

詔以皇太子亞獻親王終獻帝令問冕等當受誓戒

否

沈傳師傳

今史臣追書當稱之太后 冊府元龜之下有爲字

擇文學理道韜鈴法度之深者爲之 之深冊府元龜

作優深

列傳一百二

劉昌裔

少遊三蜀楊琳之亂昌裔說其歸順及琳授瀘州刺史  
以昌裔爲從事案楊琳當作楊子琳又案新書子  
琳附崔寧傳作授峽州刺史移澧州鎮遏使此作瀘  
州亦譌

范希朝傳

字致君影宋本作正君

列傳一百三

王栖耀傳

御史中丞袁倓東討奏栖耀與李長爲偏將 冊府元

龜作李長榮

列傳一百四

姚南仲傳

視之兆庶則章溺愛 視當作示

抑皇情之殊眷成貞懿之美號 冊府元龜下有則天

下幸甚句節去文氣不住

劉迺傳

昔在禹稷皋陶之至聖猶曰載采 冊府元龜作載采



采

雖有至德以喋喋取之曾不若嗇夫 冊府元龜作雖

有淵默罕言之至德

則鴻龐深沈之事 事當作士

袁高傳

爰免族戮雖示貶黜 冊府元龜爰作幸雖作惟

薛廷老傳

敬宗勵聲曰更諫何事 諫冊府元龜作有

但見運瓦木絕多卽知有用 冊府元龜作卽知修造

不已

列傳一百五

許孟容傳

豈觴醪有闕祈祝非誠 醪冊府元龜作牢

呂元膺傳

會小將李再興告變 冊府元龜作楊進李再興

數月有山棚賣鹿於市賊遇山棚乃召集其黨引官兵  
圍於谷中 案李正已傳作數日有山棚賣鹿於市  
賊遇而奪之山棚走而徵其黨或引官軍共圍之谷  
中此脫而奪之三字遂不可解月當作日

熊望傳

粗有文詞而性儉險 影宋本作險薄

列傳一百六

穆寧傳

質美而多入爲酥 入冊府元龜作文

列傳一百八

王翊傳

馳於廣州見節度使李勉求兵爲援 於冊府元龜作

往

翊乃以手札告諭義州刺史陳仁瑾 瑾冊府元龜作

瑾

辛祕傳

李錡命將收支郡 冊府元龜命上有阻字案下云遂  
令大將監守五郡則此當是將收非是命將可知此  
脫阻字

列傳一百十

韋處厚傳

堂吏湯鉢數招權納財賂處厚笑曰此半滑渙也斥出  
之 冊府元龜作處厚惡之戲曰此是半裝滑渙矣  
下云半裝乃俚言

路隨傳

頃因坐日屢形聖言通計前後至於數日 數日冊府

元龜作數四

引前史直不疑盜嫂之言第五倫過公之說皆多此比  
類 冊府元龜公上有婦字比下無類字

唐書合鈔補正卷五

唐書合鈔補正卷六

列傳一百十一

韓愈傳

今無故取朽穢之物觀視之 冊府元龜作親臨視之

唐衢傳

唐衢者應進士久而不第 案衢傳不詳何許人冊府

元龜作鄭人

劉禹錫傳

因命小姪龜兒編勒成兩軸 影宋本編錄勒成兩軸

列傳一百十二

李祐傳

傳所載祇序李愬知遇及官階遷轉別無事實案冊府元龜祐爲夏州節度使長慶四年奏於蘆子關北木瓜嶺剏築堡柵以扞党項之衝其壁壘屋並出當軍財力不別請錢祐於塞外凡築五城烏延宥州臨塞陰河淘子而宥州烏延皆方廣數里尤居要害蕃戎畏之又案祐築城事畧見於舊書敬宗紀新書地理志關內道夏州朔方下而此爲詳作史者不采入本傳何耶

劉悟傳

悟度使來必殺已乃僞疾不出令都虞候往迎之使者  
亦果以誠告其人口奉命殺悟以代悟都虞候卽時  
先還悟劾之得其實 冊府元龜作令都虞候往迎  
之使果以誠告云奉命殺悟以都虞候代之都虞候  
卽時先還悟劾之得其實案此衍其人二字遂不可  
解殺悟以代悟亦不分明都虞候三字不可省也劫  
譌作劾

知有此失安得不言 得本作敢

列傳一百十三

潘孟陽傳



且察東南鎮之政理 冊府元龜鎮下有帥字

列傳一百十四

孟簡傳

戶部侍郎王叔文竊政簡爲子司多不附之 冊府元龜作簡爲其屬中立正色挺然不附又案唐因隋制尙書六部每部領四司吏部戶部禮部兵部刑部工部六司爲頭司餘爲子司時簡爲倉部員外郎是戶部子司也

列傳一百十五

李絳傳

前後朝臣裴武柳公綽白居易等或爲姦人所排陷特  
加貶黜絳以密疏申論皆獲寬宥 特冊府元龜作  
將

是用官物以結私恩 官影宋本作公

任姚崇宋璟二人皆忠鯁上才動以致主爲心 冊府  
元龜作動以致君堯舜爲心

楊於陵傳

先是禁軍影占編戶無以區別自於陵請致挾名 冊  
府元龜作自於陵請置挾名冊

列傳一百十七

元稹傳

劉歆云制不可削 冊府元龜作劉秩

仍爲裴度李正辭韋熏訟所言當行 案熏當作纁

列傳一百十六

宋申錫傳

唯京兆尹崔瑄大理卿王正雅連上疏請出內獄且曰  
王師又未獲卽獄未具請出豆盧著與申錫同付外  
廷勘 王師又下沈氏注三字疑譌案冊府元龜載  
誣構宋申錫事約二千餘言其豆盧著狀有云前供  
內品官市典朱訓與前十六宅宮市典晏敬則及宰

相宋申錫親吏王師文同謀反逆云云又云朱訓與  
晏敬則王師文同於宣平坊商量此事前後約二十  
餘度宋申錫云一切委王師文計議又文宗敕云王  
師文委御史臺下縣及諸道切捕捉獲日聞奏案此  
案證據全在王師文一人故云王師文未獲卽獄未  
具也舊書誣構原委畧見於漳王傳中此傳盡削去  
當時款跡獨存此二語前後文既不相關會令讀者  
不知所謂此史筆之粗疎也王師又三字非譌又乃  
當作文耳

不暇更方遠害且與貞元時甚相背矣 害冊府元龜

作古

列傳一百十九

韋溫傳

而聖恩不勞百職無曠 恩冊府元龜作思

獨孤及傳

陛下初不以臣言爲愚然許卽施行及今未有沛然之

詔 案許上然字當在及今上

錢徽傳

故孝宣必有告訐及下 及冊府元龜作乃

公論不容之誅是生於朋黨 誅冊府元龜作談

馮宿傳

馮宿 影宋本下有字拱之三字

列傳一百二十一

裴度傳

興化致理秉鈞以居 秉上脫則字

運籌而智畧有定 有冊府元龜作前

今臣所處兼總將相豈肯坐觀凶邪 肯冊府元龜作

宜

若如卿奏不行亦得止後期 冊府元龜作何止後期

脫去何字遂不成句

伏冀陛下乘涼數坐以廣延問伏以頤養聖躬在於順  
適時候 冊府元龜作以廣延問使得盡誠又以帝  
坐朝稍晚上疏曰伏以頤養聖躬云云案上是面奏  
下是章奏事既不同文亦有別作史者割裂首尾混  
而一之繆甚

在敬宗時阜康兆庶爾則有活國庇人之勤 活冊府  
元龜作祐

列傳一百二十二

李渤傳

既以草疏切直大忤宰相 草冊府元龜作章

張仲方傳

祖九皋 案仲方前附見於九齡傳作九皋曾孫新書  
同又案白居易墓志作仲方王父九皋則作曾孫者  
譌

受授無守而曰慎才以補 補冊府元龜作輔

裴潏傳

應隆下無怒芻蕘庶裨萬一 怒冊府元龜作忽

列傳一百二十四

李紳傳

虞與從伯耆進士程昔範皆依紳及耆拜左拾遺虞在



華陽寓書與耆求薦書悞達於紳 從伯耆新書作  
柏耆案通鑑紀此事云及從父耆爲左拾遺虞與耆  
耆求薦悞達於紳與此同又案柏耆傳於蔡州行營  
于裴度請以朝旨奉使鎮州乃自處士授左拾遺無  
依李紳事新書譌

李珣傳

今方盛秋務拓邊境 冊府元龜作務切邊寇

列傳一百二十五

李德裕傳

漢之有昭德過成周 有文粹作孝

列傳一百二十六

憲宗諸子

卿王憬長慶元年封冊府元龜注此不復言行第者

史闕

文宗子

莊恪太子 銀牒徒懸 牒影宋本作勝

稅駕乘華兮 乘影宋本作承

啟青宮而右出 右影宋本作東

列傳一百二十七

楊虞卿傳

使支體相輔君臣昭明 冊府元龜作君臣無間

馬植傳

今首領總發忠言 總冊府元龜作懇

列傳一百二十八

楊發傳

時諂神貪君之私用此謬禮 神冊府元龜作臣

劉鄩傳

煙霄失路未知歸骨之期 冊府元龜作歸國

列傳一百三十

孔緯傳

卽日見李昌符 冊府元龜作卽日見鳳翔節度李昌

符

中貴人無例朝服助祭之禮 案例字衍或作例無

張潛傳

父鑑 案宰相世系表作鐸字司振

潛狼狽出含山踰王屋出清河 冊府元龜作由含山

列傳一百三十四

周寶傳

鏐具櫜韃迎寶舍樟亭未幾殺之不淹月而駢爲畢師  
鐸所囚 案舊書僖宗紀光啟三年九月秦彥師殺

高駢新書十月丁卯鏐殺周寶與此互異

列傳一百三十七

外戚

韋溫

渙汗旣行難改成命

冊府元龜作如渙汗旣

行

吳湊

飛龍內園芙蓉

案飛龍內園當作飛龍內院

芙蓉當作芙蓉園

列傳一百三十八

宦官

楊思勗

隴州首領陳行範何遊魯馮璘等聚徒作亂

案隴州當作瀧州見元宗紀

李輔國 本名靜忠 冊府元龜作靖忠

擢弟挹時並引入臺省 時冊府元龜作持

程元振 入京城以規仕用與御史大夫王昇飲酒

仕冊府元龜作任王昇作王仲昇

俱文珍 性忠正剛蹈義 冊府元龜作性忠直蹈義

剛字衍

知其朋徒熾慮隳朝政 冊府元龜熾上有日字

王守澄 碁奕醫卜尤臻於妙 卜影宋本作方

楊復恭 以父幼爲宦者入內侍省 冊府元龜以父

廕入內侍省

列傳一百三十九

良吏上

李素立 夷人感其惠率馬牛以饋素立 率冊府元龜作牽

李君球 愛人力之盡恐府庫之殫 愛文苑英華作憂

傾其有限之資貪於無用之地 於冊府元龜作其良吏下

宋慶禮 案謚法好巧自是曰專 案巧當作功

薛珏 拜試太子中允兼渭南尉 尉影宋本作令

列傳一百四十一

酷吏上

來俊臣 少不會意者必引之 會冊府元龜作合  
索元禮 非故欲規避誣構耳 冊府元龜作非故欲  
其然規避誣構耳

懸髮薰耳 耳冊府元龜作鼻

酌其虛實者附令推 冊府元龜推下有之字

萬國俊 乃命右衛翊二府兵曹參軍 冊府元龜乃

作又



酷吏下

毛若虛 因流貶伯陽 冊府元龜作因流夷甫貶伯陽案伯陽以不證成夷甫罪坐貶同推官及宰相皆被貶斥則夷甫之得罪可知也

列傳一百四十三

忠義上

張善相 謂僚屬曰死當斬吾頭以歸世充衆皆泣曰寧與公同死終不獨生 冊府元龜謂僚屬曰吾荷國恩要當效命諸君無爲同死當斬吾頭以歸世充案必如此說與衆皆泣云云情事方合

蘇安恒 又聞陛下有二十餘孫 二冊府元龜作三

昔者先王晏駕留其顧記 記冊府元龜作託

臣謂聖情以運祚將喪極斯大節 冊府元龜喪作哀

極作拯

故海內以陛下爲之主矣 冊府元龜故海內以陛下  
爲納諫之主矣

列傳一百四十四

忠義下

李愬 右武衛大將軍沔陽縣公公孫武達 縣本作  
郡兩書本傳皆作東萊郡公

李源 尚義可以驚澆浮 驚冊府元龜作鎮

李景讓 凡人情於外族則深於宗廟則薄 廟冊府  
元龜作屬

顏杲卿 時祿山遣蔣欽湊高邈率衆五千守土門

冊府元龜作時賊李歸仁令弟欽湊領步騎五千鎮  
土門

是日杲卿幼子誕姪詡及袁履謙皆被先截手足何千  
年弟在傍含血噴其面因加割齣 冊府元龜履謙  
性剛狷詬賊尤甚賊忿之先截其舌履謙以口血噴  
賊面賊齣割之案不提出袁履謙所謂含血噴賊面

者何人其云截去手足則踣而不能起矣何以噴其面亦未的

張巡而反接者自解其縛 冊府元龜作縛者忽一人幸脫殺守者互解其縛案此爲得其實若云自解既反接矣又何以能自解耶

乃列卒結陣詐降至德二年正月也元宗聞而壯之冊府元龜作開門驅百姓詐降令將士持弓弩引滿巡以銳卒數百殿其後且行且戰夜投睢陽城見許遠姚閭等其謀扞守朝廷壯之案若但結陣詐降而遁何壯之有

袁光庭 祿山之亂西北邊戎兵入赴難 戎冊府元

龜作成

石演芬 演芬乃使門客郢成義密疏且言懷光無狀

且冊府元龜作具

且演芬胡人不解異心欲守事一人 冊府元龜作欲

守死以事一人

甄濟 弟澄密求羊血以爲備 冊府元龜弟上有令

字

劉敦儒 案敦儒新書附子元傳後在列傳第十七舊  
書列入忠義然傳第言其事母以孝聞居喪哀毀骨

立洛中謂之劉孝子元和中詔書褒美亦祇稱其孝  
行無所謂忠義也疑舊書本在孝友傳爲繕錄者悞  
八忠義耳

庾敬休 案傳所載奏請每年茶稅使司自句當錢物  
送省冀免懸逋又奏請難兩川闕官職田祿米以救  
貧人是有功於國計民生者然謂之忠義則非也如  
以其祖光烈叔祖光先不受祿山僞官父荷叔倬當  
賊泚盜據宮闕逃竄山谷家世忠節卓然可爲風表  
則當以光烈標目敬休附乃合敬休新書在列傳第  
八十六

孝友

崔河 晉中郎盧湛近古之知禮著家祭禮者也 會

要作近古之知禮者著家祭禮冊府元龜同

張誘 律有正條俱各至死 各冊府元龜作合

衢州余常安 冊府元龜作衢州常山人

爲里人謝全所殺 冊府元龜作方全

梁悅 父爲秦果所殺 冊府元龜作秦杲

列傳一百四十六

儒學上

案舊書儒學傳序有關文新書序所宜節補沈氏於

諸志傳序悉爲補入獨此序不錄豈偶遺之耶

徐文遠 影宋本作徐曠字文遠

歐陽詢 影宋本下有字信本三字

張上衡 軌思授以毛詩周禮 冊府元龜作毛詩周

易禮

許叔牙 少精於毛詩禮記尤善諷詠 冊府元龜作

少精於詩禮及史記漢書

儒學中

邢文偉 臣竊見禮戴記曰太子旣冠成人免於保傅  
之嚴則有司過之史徹膳之宰史之義不得不司過



宰之義不得不徹膳徹膳則死 案此引大戴保傳  
篇其本文云太子既冠成人免於保傅之嚴則有司  
過之史有虧膳之宰太子有過史必書之史之義不  
得不書過不書過則死過書而宰徹去其膳夫膳宰  
之義不得不徹膳不徹膳則死

彭景直 鄭元云殷事月之朔半薦新奠也於儀禮朔  
半日猶常日朝夕也 冊府元龜故鄭元注禮記云  
殷事月朔半薦新之奠也又注儀禮云月朔月半猶  
平常之朝夕也

祝欽明 搖翟祭先公及饗諸侯則服之 會要搖翟

從王祭先公則服之闕翟饗諸侯則服之案周禮內  
司服注從王祭先王則服褱衣祭先公則服揄翟祭  
羣小祀則服闕翟又云展衣以禮見王及賓客之服  
會要謂闕翟饗諸侯者亦譌

明二夫人之服 二當作后

張齊賢 又問社稷壇遺四方用色而中不數尺冒黃  
土謂何 會要作又檢舊社稷壇上四方設以方色  
惟中央數尺飾以黃土

儒學下

陳貞節

請罷卒吏詔祠官無領屬以應禮典 禮本

作祀

施敬本 舊書無傳新書節刪舊禮志所駁封禪儀文  
爲之餘別無考見案冊府元龜施敬本爲右補闕開  
元十六年五月六日唐昌公主出降有司進儀注於  
紫宸殿行五禮敬本與左拾遺張烜右拾遺李銳等  
連名上疏曰竊以紫宸殿者漢之前殿周之路寢陛  
下所以負黼宸正黃屋饗萬國朝諸侯人臣致敬之  
所猶元極可見不可得而升也昔周女出降於齊而  
以魯侯爲主但有外館之法而無路寢之事今欲紫  
宸殿會禮卽當臣下攝行馬入於庭醴升於牖主人

授几逡巡紫座之間賓使就筵登降赤墀之地又據  
主人辭稱吾子有事至於寡人之室言辭僭越事理  
乖張既黷威靈深虧典制其問名納采等並權於別  
所元宗納其言移於光順門外設次行禮案此疏有  
闕掌故所宜搜錄者也

陳京 郊社禘嘗無二尊 無上本有神字

故自太祖祖以下親盡迭毀 案衍一祖字

文苑上

謝偃 當其信也謂天下爲無危 無危文苑英華作

一心

書契崇而可知 崇文苑英華作來

荷承顏以順旨必蔽視而稱聖 稱聖文苑英華作掩

聽

張蘊古 羅八品於前所食不過適口 品文苑英華

作珍

勿沒沒而闇勿察察而明 沒沒文苑英華作汶汶

盧照鄰 著釋疾文五悲等誦頗有騷人之風 誦集

作詞

楊炯 乃以日月星辰爲旌旗之節 節本作飾

以龍爲章首 文苑英華首下有者字

又鸞冕八章 鸞當作驚詳輿服志

列傳一百五十

文苑中

閻朝隱 影宋本下有字友倩三字

賀知章 影宋本下有字季真三字

知章與越州賀朝萬齊融揚州張若虛邢巨 錢氏考

異案下云朝萬止山陰尉齊融崑山令若虛兗州兵

曹巨監察御史皆舉其名今鄞縣有育王寺常住田

碑祕書監正字萬齊融撰蓋賀朝萬一人萬齊融一人

傳脫一萬字案文苑英華有李頎寄萬齊融詩云名

高不擇仕委世隨虛舟小邑常嘆屈故鄉行可遊是  
其爲崑山令時也又得一證

李邕 臣獲二善而死且不朽 文苑英華臣獲二善  
而死死且不朽

孫逖 曷在鎮與蒲州刺史李尙隱遊於百樂川逖爲  
之記 逖記見文苑英華百作伯影宋本同

列傳一百五十一

文苑下

王維 而創意經圖卽有所缺如山水平遠雲峰石色  
絕迹天機非繪者之所能及也 冊府元龜作然創

意經圖或有所缺至於雲峯石色絕迹天機非衆工所能及也

杜甫 天下妖淫民謳歌頌諷賦曲度嬉戲之辭 妖淫集作妖謠文粹作俗謠案曲度疑當作度曲

是時山東人李白亦以文奇取稱時人 文奇文粹作奇文

吳元通 費以通元援引朋黨於禁中叶力排已故欲廢之德宗計 冊府元龜作德宗不許此譌作計而脫不字

劉蕡 毓之以利煦之以仁 毓冊府元龜作動



溫庭筠 裴誠令狐縞之徒相與蒲飲酣醉終日 誠  
影宋本作誠

列傳一百五十二

方伎

孫思邈 和而爲雨怒而爲風 冊府元龜作和而爲  
雨亂而爲霧案大戴記天圓篇亂則霧和則雨此思  
邈之所本也

川濱竭涸 冊府元龜上有雨澤不降句

戒於近者不侮於遠 侮冊府元龜作悔

道士葉法善 保黃冠而不杖 杖冊府元龜作拔

珠光內應 應冊府元龜作映

列傳一百五十二

隱逸

王友貞 又拜太子中舍 冊府元龜舍下有人字

列傳一百五十三

列女

獨孤師仁乳母王氏 可封永壽郡君 郡冊府元龜

作鄉

孝女賈 乃俟元基殺之 俟冊府元龜作候

劉寂妻夏侯氏 後其女居母喪亦如母行 冊府元

鍾貞觀二十一年賜滑州胙城女子劉少娘粟帛仍表其閭旌孝行少娘母夏侯碎金以至孝聞少娘年十五而母亡遂廬於墓側負土成墳又紀碎金事云適河間劉氏已產二女父疾求離其夫夫不違其志分留一女少娘其隨母者也

賈氏二女 京兆尹曹陸海著賦以美之 冊府元龜作首賦詩以美之

盧苒妻李氏 宜膺贈律俾光休美 律冊府元龜作飾

董昌齡母楊氏 眞授郾城令兼監察御史乃授緋魚

乃冊府元龜作仍

韋雍妻蕭氏 賓佐習於常態忿其變通 忿冊府元

龜作忘

衡方厚妻程氏 程氏力不能免乃抑其哀如非冤者

免冊府元龜作克

列傳二百五十四

突厥上

古人委體以食之 通考作使舌人委體以食之

孫樵謂宜詔嚴道沈黎越雋三州度要害募卒以守

沈氏三州下注三字疑譌案孫氏書田將軍邊事三

州作三城此譌州字耳

詔兵部尚書李靖代州都督張公瑾出定襄道 案公瑾當作公謹詳高祖紀

列傳二百五十五

突厥下

郭恪 當作郭孝恪

阿史那彌射者室點密可汗五代孫也 點通考作黠  
列傳一百五十六

吐蕃上

將詣光宅寺爲盟誓取三牲血歃之無向佛寺之事

冊府元龜盟誓下作使者云蕃法盟誓取三牲血歃  
無向佛寺之事

列傳一百五十七

吐蕃下

維保二州兵馬使仇冕保霸兩州刺史董振等 影宋  
本仇冕下有與字

王英俊 冊府元龜作王天俊

郝金信 冊府元龜作郝全信

劉師老 冊府元龜作劉師佐

列傳一百五十八上

南蠻

東謝蠻 北至蠻 冊府元龜北至白蠻

南詔蠻 仍冊牟尋之子驃信 宜蒙閣敕爲南詔 影

宋本作宜蒙閣勸案上文異牟尋使其子閣勸當卽其人

列傳一百五十九上

東夷

高麗 朕所過營頓母飭食母豐怪 冊府元龜作朕

所過營頓無勞精飾食惟充飢不須珍膳

北狄

室韋 又云室韋我唐有九部焉 沈氏注唐字疑譌  
案會要室韋後魏武定隋開皇大業中並遣使貢獻  
大唐有九部焉此節去語不分明又案又云二字疑  
衍

唐書合鈔補正卷六



攷歷代史惟唐有新舊兩書瑕瑜互見吳興沈東甫先生創爲合鈔於紀傳從舊書取其詳備而以新書分注補入於志從新書取其整贍而以舊書分注補入序次先後畧爲更定自有所見則加案焉方鎮表則補其人宰相世系表別爲訂譌合成二百六十卷斟酌於兩書間頗稱盡善自謂畢生精力胥萃於此乾隆初元

詔舉鴻博先生應

召攜以入都次年罷歸旋卒禾中錢香樹司寇素以老友重先生求得其書思爲表揚時值開館校刊諸史遂以進呈奉

旨交史館採用故兩唐書考正中多引其說而全書未得流播知者時以爲憾余于都下購得鈔本乙丑南歸以屬丁君小鶴詳爲讐校其訛字脫句曉然可見或他本足據者輒爲更正稍涉疑似仍存其舊以從闕疑之義庚午冬開雕吳門校正字樣則蔣明經子野之力爲多爲剗刪者失去安史傳一卷據新舊書排次補之丁君殫精考索復採原案所未及者著補正六卷亦可謂沈氏之功臣矣梓人告竣因誌其顛末于後

嘉慶癸酉嘉平海昌查世倬識於靜學齋